

Cristiano Kausayninchéj tantakuypaj referencias

1-7 DE MAYO

BIBLIAMANTA SUMAJ YACHACHIYKUNA | JEREMÍAS 32-34

“Israel llajtanman kutirinpunapuni karqa”

(Jeremías 32:6-9) Jinapi Jeremiasqa nerqa: Tata Diosqa parlawaspa, niwarqa: ⁷ Uyariway, Salum tioykej churin Hanameel kay jinata parlapayasoj jamonqa: Anatotpi chay jallp'ayta rantikapuway, imaraykuchus qanmin aswan qaylla aylluy kanki, nispa. ⁸ Chantá Tata Dios niwasqanman jina chay tioyta churin Hanameel carcelpa pationman jamuwarqa, niwarqataj: Rantikuway Benjamín suyupi kaj Anatot llajtapi jallp'ayta. Qanllamin rantiyta atinki aswan qaylla aylluy kasqaykayru; chayrayku rantikapuway ari, nispa. Chay tukuy imaswan yachaqani chayqa Tata Diosmanta kasqanta. ⁹ Chantá tioyta churin Hanameelmanta, Anatotpi kashan, chay jallp'ata ranterqani; chunka qanchisniyoj phisus qolqeta jaywarqani, parlasqaykuman jina.

(Jeremías 32:15) Israelpa Diosnin Tukuy Atiy-niyoj Tata Diosqa nin: “Kay naciompi rantillan-qankupuni wasista, jallp'asta, uva huertastapis”, nispa.

it-1-S pág. 134 párr. 6

Anatot

Jeremiasqa Anatot llajtamanta karqa, paytataj llajta masisnin mana sumaj ñawiswanchu qhawaj kanku. Kausayninpis wañuy patapi kasharqa Jehovamanta cheqan kajta willasqanrayku (Jer 1:1; 11:21-23; 29:27). Chayraykutaj, Jehová chay llajta ñak'ariypi riku-kunanta willarqa, chay profeciataj maychus tiempopni junt'akorqa, Babilonia chay llajtata jap'ika-pushajtin (Jer 11:21-23). Jeremiasqa, niraj Jerusalén urmashajtin Anatot llajtapi primomanta jallp'ata rantikorqa, chaytaj rikucherqa uj p'unchay wakin judíos watejmanta llajtankuman kutirinankuta (Jer 32:7-9). Ñaupaj kaj grupopi kutirimojkuna Zorobabelwanqa, karqanku 128 runas Anatotmanta. Profeta Jeremías nisqanman jinataj kay llajtapeqa watejmanta runas tiyakuya qallarerqanku (Esd 2:23; Neh 7:27; 11:32).

(Jeremías 32:10-12) Chay tratotataj ruwarqayku papelpi qhelqaspa, sellasqtataj, testigospa suisninkutawan qhelqaykuspa. ¹¹ Chaymanta jap'erqani chay trato ruwasqa iskaynin papelesta, ujnenqa sellasqa tratoyoj, imaynapichus rantisqa

kasqanta, chay ujnjintaj jinalla. ¹² Chay papelesta Neriaspa churin Maasisaspa allchhin Barucman jaywarqani tioyta churin Hanameelpa ñawpaqempi, jinataj testigos jina sutinkuta qhelqaykusqanku, chay ñawpaqenkupi, chantá chay patiopi tiyasqa kasharqanku, chay judiospa ñawpaqenkupi ima.

w07-S 15/3 pág. 11 párr. 3

Jeremías libromanta wakin allin yachachiykuna

32:10-15 ¿Imaraykutaj may sumaj karqa iskay papelesta ruway ima negociota ruwaspapis? Ñaupaj tiempoppi iskay papelesta ruwaj kanku. Ujnenqa sellasqa karqa, ujnjintaj mana. Chay mana sellasqa papelqa, mayk'ajllapis qhawaykunapaj yanapakoj. Chay sellasqa kajtaj uj copia jina karqa, mayqenchus sut'inchaj chay mana sellasqa papelqa cheqachus manachus kasqanta. Jeremiasqa ima negociota ruwaspapis parientesninwan chayrí creeyninmanta hermanoswan, llajtanmanta leyesman jina ruwarqa. Paymantataj mayta yachakusunman.

(Jeremías 33:7, 8) Judatawan, Israeltawan ñawpa tiempoppi allimpi kasqankuman kutichisaj, watejmantataj paykunata sinch'ita sayachisaj qallariypi jina. ⁸ Paykunata lliphuchasaj ñawpaqeypi tukuy sajra ruwasqankumanta, pampachasajtaj contraypi oqharikuspa tukuy juchallisqankuta.

jr pág. 152 párrs. 22, 23

“Chaypi yachakun noqata rejsiwasqanqa”

²² Pillapis parlayninwan chayri ruwayninwan sunqunchikta nanachin chayqa, ¿Diosninchikjinachu ruwan-chik? Jehová Diosqa, ñawpa tiempoppi kawsaq judiosta perdonaspa, paykunata “lliphucha[nanta]” nirqa (Jeremías 33:8 ñawiriy). Payqa pesachikuqta lliphuchan, juchanta qunqayman churaspa, nisun-man chay juchamanta manaña jayk'aqpis yuyarikunchu. Chaytaq, mana ninayanchu chay runa, manaña ni jayk'aq pantananta, imaraykuchus juchasapallapuni. Chaywanpis Dios, runasta juchankumanta lliphuchasqanmanta, mayta yachakusunman. Nu-qanchikqa, contranchikpi juchallikuqpa pantasqanta qunqayman churanapaq kallpachakunanchik tiyan, nisunman imatachus paymanta sunqunchikpi yuyasqanchikta lliphuchananchik tiyan. ¿Imaynatá chayta ruwasunman?

²³ Pillapis valorniyuq anillota regalawasqanchikpi t'ukurina. Chay anillo ch'ichichakuptin, ¿manacharí q'upaman wikch'uykusunmanchu? Astawanqa, k'achitu lliphipinallanpaqpuni lliphuchasunman. Kikillantataq,

sunqunchikta nanachiq hermanopaq mana phiñas-qallapuni kanapaq, kallpachakuna tiyan. Ima niwas-qanchikchus chayri ima ruwasqanchus sunqunchikta nanachirqa chaypi, manaña yuyanachu. Chayta ru-waptinchikqa, chay hermanota ñawpaqpijina allinpaq qhawallasunpuni. Paymanta manaña ima saqratapis yuyaptinchiktaq, watiqmanta paywan allinpi kawsaku-sunchik.

Sumaj yachachiykunata mask'ana

(Jeremías 33:15) Chay p'unchaykunapeqa David-pa mirayninmanta uj Cheqan Kajta rikhurichisaj, paytaj k'utusqa sach'aj ijiynin jina kanqa. Pay-qa cheqan kajta, justiciatataj ruwanqa kay jall-p'api.

jr pág. 173 párr. 10

Musuq tratop t'inkasnín

¹⁰ Jeremiasqa, jamuq Mesías Davidpa "mirayninmanta" "k'utusqa sach'aj ijiynin jina" kasqanta nirqa. Jeremías profetajina llamk'achkaptin, Davidpa mirayninmanta mana pipis kamachichkarqachu, nisun-man sach'ajina k'utusqa kachkarqa; chaywanpis k'u-llunqa, mana wañusqachu kachkarqa. Arí, Jesusqa maychus tiemponpi, Davidpa mirayninmanta nace-kunan karqa. "Diosmin Cheqan Kayninchejqa" nisqa-taq sutichasqa kanan karqa, chay sutiqa Jehová chi-kan kaqta munakusqanta rikuchin (*Jeremías 23:5, 6 ñawiriy*). Jehovaqa, k'ata Churin, ñak'arinanta, wa-nunanta ima saqirqa. Jinamantataq, chiqan kayn-inmanjina ruwayta atirqa, nisunman "k'utusqa sach'aj ijiynin" kawsayninta qusqanrayku, juchasta pampa-chayta atirqa (*Jer. 33:15*). Ajinamanta, wakin runas-man 'kawsayta qunarpaq' chiqanpaq qhawarqa, es-piritunwantaq musuq tratopi kanankupaq akllarqa. Jehová chiqan kaqta munakusqanqa, musuq tratopi mana kaqkunapis, chay tratop t'inkasninta jap'iyya atisqankupi rikukullantaq. Chaytataq ukhunchasun (*Rom. 5:18*).

(Jeremías 33:23, 24) Este versículo está unido al siguiente. ²⁴ Tata Diosqa Jeremiasman parlas-pa, nerqa: Manachu reparanki imatachus runas nishasqankuta? Paykuna ninku: Tata Diosqa chay iskaynin ajllakusqan ayllusta qhesachan, nispa. Chayrayku pisipaj qhawaspa, aylluuyaq manaña naciompaj jinachu qhawanku.

w07-S 15/3 págr. 11 párr. 4

Jeremías libromanta wakin allin yachachiykuna

33:23, 24 ¿Ima iskay "ayllus[manta]" kaypi parla-shan? Naupaj kaj Davidpa ayllun karqa, ujintaj sa-cerdote Aaronpa ayllun karqa. Jerusalén llajta, tem-plon ima thuñisqa kasqanrayku, Jehová chay iskay

ayllusta qhesachasqanta, manañataj reinon kay Jall-p'api sayachisqa kananta, nitaj watejmanta Diosta yupaychasqa kananta yuyacherqa.

Bibliata leenapaj

(Jeremías 32:1-12) Tata Diosqa Jeremiasman parlarqa, Judapi Sedequías chunka watastaña kamachishajtin, chaytaj karqa rey Nabucodonosor chunka pusajniyoj watastaña kamachishajtin.

² Chaypacha Babiloniamanta reypa soldadosnin Jerusalenta atipaspa yaykuykunankupaj muyu-kusqanku, profeta Jeremias preso kasharqa reypa kamachinan wasej patiomi. ³ Rey Sede-quías paytaqa wisq'aykuchisqa, Jeremías kay ji-nata parlasqanrayku: Tata Diosqa nin: Babilo-niamanta reyqa kay llajtata jaip'ikaponqa. ⁴ Rey Sedequiaspis caldeosmanta mana llusp'enqachu, manachayqa Babiloniamanta reypa makisni-mmurman urmanqa, paypa ñawpaqempitaj rikhurenqa.

⁵ Nabucodonosortaj Sedequiasta Babiloniaman apachenqa, chaypitaj Sedequiasqa qhepakonqa paymanta noqa yuyarikunaykama. Sichus qankuna caldeoswan maqanakoj churakunkichej chay-qa, mana allinchu risonqachej, nispa nin Tata Diosqa. ⁶ Jinapi Jeremiasqa nerqa: Tata Diosqa parlawaspa, niwarqa: ⁷ Uyariway, Salum tioy-kej churin Hanameel kay jinata parlapayasoj ja-monqa: Anatotpi chay jallp'ayta rantikapuway, imaraykuchus qanmin aswan qaylla aylluy kan-ki, nispa. ⁸ Chantá Tata Dios niwasqanman jina chay tioypa churin Hanameel carcelpa pation-man jamuwarqa, niwarqataj: Rantikuway Ben-jamín suyupi kaj Anatot llajtapi jallp'ayta. Qan-llamin rantiyta atinki aswan qaylla aylluy kasqay-kirayku; chayrayku rantikapuway ari, nispa. Chay tukuy imaswan yacharqani chayqa Tata Diosman-ta kasqanta. ⁹ Chantá tioypa churin Hanameel-manta, Anatotpi kashan, chay jallp'ata ranter-qani; chunka qanchisniyoj phisus qolqeta jay-warqani, parlasqaykuman jina. ¹⁰ Chay tratotataj ruwarqayku papelpi qhelqaspa, sellasqatataj, tes-tigospa sutisninkutawan qhelqaykuspa. ¹¹ Chay-manta jap'erqani chay trato ruwasqa iskaynin pa-peesta, ujnenqa sellasqa tratoyoj, imaynapichus rantisqa kasqanta, chay ujnjintaj jinalla. ¹² Chay papeesta Nerialspa churin Maasicspa allchhin Barucman jaywarqani tioypa churin Hanameelpa ñawpaqempi, jinataj testigos jina sutinkuta qhel-qaykusqanku, chay ñawpaqenkupi, chantá chay patiopi tiyasqa kasharqanku, chay judiospa ñaw-paqenkupi ima.

8-14 DE MAYO

BIBLIAMANTA SUMAJ YACHACHIYKUNA | JEREMÍAS 35-38

“Ebed-melec mana manchachikoj runa karqa”
(Jeremías 38:4-6) Chantá chay kurajkunaqa reyman nerqanku: Kay runa wañuchisqa kachun, imaraykuchus chay tukuy nisqasniwanqa, llajtanchejpi qhepakunkuraj, chay soldadosta iskay-rayachin, jinataj tukuy runastapis. Kay runaqa mana kay aylloj allinnintachu mask'an, manachayqa mana allin kaynillantapuni, nispa.⁵ Jinapi rey Sedequiasqa paykunaman kuticherqa: Payqa makisniykichejpi kashan. Noqa mana imatapis ruwayta atinichu qankunamanta payta jark'akunaypaj, nispa.⁶ Chaypacha paykunaqa Jeremias-ta jap'iytawan, reypa churin Malquiaspa pujyuman wijch'uykorqanku, mayqenchus cárcel patio chawpipi karqa, chayman. Ch'ankullaswan uray-k'ucherqanku. Chay pujyupeqa mana yaku kasqachu, manachayqa t'urulla kasqa, chaypitaj Jeremiasqa t'uruman chinkaykusharqa.

it-2-S págs. 984 párr. 7

Sedequías

Rey Sedequiasqa kamachishaspa may llauch'i karqa, imaraykuchus kurajkuna wayuchichunku Jeremias-ta nejtinku pay nerqa: “Payqa makisniykichejpi kashan. Noqa mana imatapis ruwayta atinichu qankunamanta payta jark'akunaypaj”, nispa. Chaywan-pis Ebed-melec Jeremias-ta kacharichinanpaj Sede-quiaswan parlarerqa, paytaj kasukorqa kacharqataj 30 runasta Ebed-melecta yanapanankupaj. Chantá Sedequiasqa pakayllamanta Jeremiaswan parlarerqa. Nerqataj Jeremias-ta mana wañuchinanta, nitaj enemigosninpá makisninman jaywaykunanta pikunachus wañuchiyya mask'asharqanku. Chaywan-pis Sedequiasqa manchikorqa judiosta pikunachus caldeosman ujchaykukorqanku, chayraykutaj mana uyarerqachu imatachus Jeremías yuyaycharqa Babiloniamanta reypa kurajkunaman chimpaykapunamanta. Watejmanta Sedequías manchachikusqan-rayku, Jeremias-ta nerqa kurajkunaman mana willananta imatachus iskayninku pakayllapi parlarisqan-kuta (Jer. 38:1-28).

(Jeremías 38:7-10) Jinapi Etiopiamanta uj runa Ebed-melec sutiyoj reypa kamachinan wasipi kuraj kamachi karqa. Paytaj uyarisqa Jeremias-qa pujyuman wijch'uykusqa kasqanta. Chay rato-pi reyqa uj tantakupi kasharqa, Benjamín Punkt nisqapi.⁸ Chaypacha Ebed-melecqa reypa kamachinan wasimanta llojsispa, reywan parlapayamoj

rerqa. Payqa nerqa:⁹ Wiraqochi reyniy, chay ru-nas imatachus profeta Jeremias-ta ruwasqanko-qa mana walejchu. Paykunaqa uj pujyuman pay-ta wijch'uykunku, chaypitaj yarqhaywan wañonqa, imaraykuchus llajtapi t'antaqa mana kanñachu, nispa.¹⁰ Chay ratopacha reyqa Ebed-melecta kamacherqa kinsa chunka runasta pusariyukuspa, Jeremias-ta orqhomoj rinanta, manaraj chay puj-yupi wañushajtin.

w12-S 1/5 págs. 31 párrs. 2, 3
Jehová kamachisninta t'inkan

Ebed-melec, ¿pitaj karqa? Sedequiaspa kamachi-na wasinpi kuraj kamachi karqa, Jeremiaspa tiem-ponpitaj kausakorqa. Jehová Jeremias-ta willa-munapaj kamacherqa tukuy wasanchaj judiospaj uj llakiy p'unchay chayamunanta. Chantapis chay tiempomanta kamachejkunaqa, mana Jehová Dios-ta kasukojchu kanku. Ebed-melec paykuna ukhu-pi kausakuspapis Jehovaman cheqa sonqo karqa, Jeremias-tapis may jatunpaj qhawaj. Uj p'unchay Ebed-melec Diospi creesqan pruebaman churas-qa karqa: wakin kamachejkunaqa Jeremias-ta mana kajllamanta tumparqanku, chayraykutaj wañunapaj pujyuman wijch'uykorqanku (Jeremías 38:4-6). Chayta yachaspa Ebed-melec, ¿imatá ruwarqa?

Ebed melec mayta kallpachakorqa, nitaj manchachi-korqachu chay kamachejkunata. Sedequiaswantaj Jeremias-ta ñak'arichisqankumanta runaspa chau-pinpi parlarerqa. Nerqataj: “Chay runas [...] ruwas-qankoqa mana walejchu”, nispa (Jeremías 38:9). Sedequiasqa Ebed-melecta uyarerqa, kamacherqa-taj Jeremias-ta kacharichinankuta 30 runaspa yana-payninwan.

(Jeremías 38:11-13) Este versículo está unido al siguiente.¹² Ebed-melecqa chay runasta pu-sariyukuspa, kamachina wasiman rerqa. Chay p'acha jallch'ana cuartomantataj mawk'a p'achasta orqhomuspa, ch'ankullaspi pujyu ukhupi Jeremiasman chayta kachaykorqa, nerqataj: Chay p'achasta wallak'uyki uraman churaykukuy chay ch'ankulla ama nanachisunampaj, nispa. Jere-miastaj ajinata ruwarqa.¹³ Chantá chay runasqa Jeremias-ta chay pujyumanta orqhorqanku. Chay qhepata Jeremiasqa cárcel patiollapiña qhepa-korqa.

w12-S 1/5 págs. 31 párr. 4
Jehová kamachisninta t'inkan

Chantapis Ebed-melec may k'acha kayninta riku-cherqa. Bibliaj nisqanman jina “mawk'a p'achasta orqhomuspa, ch'ankullaspi [...] Jeremiasman chayta

kachaykorqa". ¿Imapajtaj? Jeremías chay p'achasta wallak'un uraman churakunanpaj, ajinamanta ch'an-kullawan orqhomojtinku mana imanakunanpaj (Jeremías 38:11-13).

Sumaj yachachiykunata mask'ana

(Jeremías 35:19) Chayrayku noqa Israelpa Dios-nin, Tukuy Atiyniyoj Tata Diosqa cheqamanta niy-kichej: Jonadabpa ayllunmanta kallanqapuni uj qhari ñawpaqeypi kamachisqayta ruwanampaj, nispa.

it-2-S págs. 793

Recabitas

Judá aylluqa, Jehová Diosta mana kasukorqachu, recabitasrí tukuy sonqo kasukoj kanku. Chaytaj Jehovata kusichej (Jer 35:12-16). Chayrayku Dios recabitasman nerqa: "Jonadabpa ayllunmanta kallanqapuni uj qhari ñawpaqeypi kamachisqayta ruwanampaj", nispa (Jer 35:19).

(Jeremías 37:21) Chaypacha rey Sedequiasqa kamacherqa Jeremías carcelpa patiompi qhepakuanta, kamachillarqataj sapa p'unchay t'anta payman jaywanankuta, t'anta ruwajkuna calle-manta. Chayta ruwarqanku chay llajtapi t'anta mana kanankama. Jinamanta Jeremiasqa carcelpa patiompi qhepakorqa.

w98-S 15/1 págs. 18 párrs. 16, 17

Diosninchewan purinallapuni

¹⁶ Jehovaqa munakuywan willawanchej Jesuspa kamachiyninpi kacharichisqas kanancheja (Salmo 72: 1-4, 16; Isaías 25:7, 8). Chantapis yanapawanchej ch'ampaykunasninchetaj atipanapaj, yuyaychallawanchejtaj imaschus kausayninchetaj ñaupajpi kananta (Mateo 4:4; 6:25-34). Jehová ñaupa tiempomanta kamachisinta yanapasqanta yachayqa, mayta sonqochawanchej, imaraykuchus noqanchejta yanapallawasuntaj (Jeremías 37:21; Santiago 5: 11). Ima llakiypis kajtenqa, Jehová cheqa sonqo kamachisinta munakusqantapuni yachayqa, mayta sonqochawanchej (Romanos 8:35-39). Jehovapi atienekojkunata nin: "Mana jayk'ajpis saqerparisqaykichu. Nitaj jayk'ajpis wijch'urparisqaykichu", nispa (Hebreos 13:5).

¹⁷ Kayta yachaspa, cheqa sonqo cristianos kay mundoj ñankunasnippi purinankumantaqa, Jehovaj ñankunasnippi purinku. Ashkha suyusmanta wajcha runasqa yuyanku: "Familiata uywanapaj qhapaj runasmanta qhechoyqa, mana suwakuychu kasqanta", nispa. Jehovapi creejkunaqa, qhesachanku ajina yuyayta. Dioswan sumaj qhawasqa kayta mask'anku, cheqata kausakusqankuraykutaj Jehová t'inkananta

suyanku (Proverbios 30:8, 9; 1 Corintios 10:13; Hebreos 13:18). India suyumanta uj viudata, yuyay waj jinamanta yanaparpa. Diospa Gobiernonta, cheqan kaynintawan ñaupajpi kausayninpí churasqanrayku, wajcha kayninmanta mana llakikorqachu, yacharqataj payta, wawanta ima, Jehová bendecinanta nitaj imatapis pisichinanta (Mateo 6:33, 34). Jallp'antimanta ashkha runasqa, ima llakiykunapi rikukuspapis, Jehová paykunapaj pakakunanku, jark'achasqa wasitaj (Salmo 91:2). Qanpis, ¿ajinatachu yuyanki?

w95-S 1/8 págs. 5 párrs. 6, 7

Ruwasqanchejta Jehová mana qonqapunchu

Babiloniamanta reyqa, Jerusalén wasanchaj llajtata muyuykojin, runasqa midisqata t'antata mikhnanku karqa, mancha manchallataj (Ezequiel 4:16). Kausayqa may llakiy karqa, wakin warmistaj wawasinkutapis mikhukapuya qallarerqanku (Lamentaciones 2:20). Chaywanpis profeta Jeremiasqa Diosmanta parlasqanrayku wisq'asqa kaspapis, Jehová paypaj wakichiporqa uj "t'antata payman jaywanankuta, t'anta ruwajkuna calle-manta. Chayta ruwarqanku chay llajtapi t'anta mana kanankama" (Jeremías 37:21).

T'anta tukukapoqjin Jehová Jeremiasmanta, ¿qonqaporchachu? Mana, imaraykuchus Babilonios Jerusalén llajtata jap'ikapusqantawan, Jeremiasman "uj regalota", "mikhunastawan" qoytawan kachaporqanku (Jeremías 40:5, 6; leerillaytaj Salmo 37:25).

Bibliataleenapaj

(Jeremías 36:27-37:2) Este versículo está unido al siguiente. ²⁸ Jeremiasqa Barucwan qhelqacherqa, chay librota rey ruphachejtinkama, Tata Diosqa Jeremiasman parlaspa, nerqa: Waj k'uyuna librota japi'spa, qhelqay imachus chay ñawpaj libropi kasharqa, chayta, mayqentachus Judamanta rey Joacim ruphacherqa, chayta. ²⁹ Kaytapis nillaytaj Judamanta rey Joacimman: Tata Diosqa nin: Qanqa chay k'uyuna librota ruphacherqanki, Jeremiasataj k'amerqanki kay jinata qhelqasqanmanta; Babiloniamanta reyqa jamonqapuni kay nacionta chinkachinampaj nitaj uj runapis nitaj uj uywallapis puchunanka-ma, nispa. ³⁰ Kunanqa noqa Tata Dios kayta nini Judajpa reynin Joacimmanta: Paypa miray-nimanta Davidpa kamachina tiyanampi tiyaykojqa mana kanqachu. Ayanqa ruphaypitaj, chiripitaj wijch'urayanqa. ³¹ Payta, jinataj mirayninta, kamachisintapis juchasninkumanta castigasaj. Paykunaj patankuman, Jerusalenpi tiyakojkunaj-paman, Judapi tiyakojkunajpamampis tukuy laya ñak'ariykunata apachimusaj, apachimunay karqa,

chaykunata, imaraykuchus qankunaqa nisqasniyta mana kasorqankichejchu, nispa nerqa Tata Diosqa.³² Chantá Jeremiasqa waj k'uyuna librotaj qhelqarqa Jeremiaspa tukuy parlasqanta, mayqenchus rey Joacimpa ruphachisqan libropi qhelqasqa karqa, chay tukuyta. Jeremias taj waj ashkha imastawanraj chay ñawpaj qhelqasqanman yapaykorqa.

37 Babiloniamanta rey Nabucodonosorqa Josiaspa churin Sedequiasta churarqa Judapi rey k'a-nampaj Joacimpa churin Jeconiaspa cuentampi.

² Jinapis ni Sedequías, nitaj yanapajkunan, nitaj ayllunmanta kaj runaspis profeta Jeremiasnejta Tata Diospa willachisqanta kasorqankuchu.

15-21 DE MAYO

BIBLIAMANTA SUMAJ YACHACHIYKUNA | JEREMÍAS 39-43

“Jehová sapa ujman qowasun ruwasqanchej-man jina”

(Jeremías 39:4-7) Rey Sedequías, chantá soldadosnimpis chay tukuy imasta rikuytawan, chay llajtamanta ayqekorqanku, reypa huertan chaynejta. Iskaynin perqas chawpipi punku kasharqa, chayninta tutan llojsispa, Jordán valleman rej ñanninta jape'rerpqanku.⁵ Este versículo está unido al siguiente.⁶ Caldeospa soldadosninkutajrí Sedequiasta qhatiykuspa, Jericó pampasnejpi tariparqanku. Jap'ispataj, rey Nabucodonosorpa ñawpaqenman aparqanku. Pay kasharqa Hamat nisqa chay jallp'api, Ribla llajtapi. Chaypi Nabucodonosorqa kamacherqa imachus paywan ruwasqa kananta: Sedequiaspa churisnampa umas-ninkuta qholucherqa, jinallatataj Judamanta kaj kurajkunajtapis, Sedequías rikushajtin.⁷ Chantá Sedequiaspa ñawisninta orqhocerqa, cadenas-wantaj wataykucherqa Babiloniaman payta apanankupaj, nispa.

it-2-S pág. 984 párr. 8

Sedequías

Jerusalén thuñisqa kananmanta. Sedequiasqa, 607 watapi Jesús niraj jamushajtin, “jisq'on kaj p'un-chaypi, tawa kaj killapi [...] chunka ujniyoj watas-taña kamachishajtin”, babilonios perqasta jusk'us-pa Jerusalenman yaykorqanku. Sedequias taj wapu soldadosnинwan tutapi ayqekorqanku, chaywanpis ja'ichikorqanku Jericó ch'in pampasninpí. Apasqataj karqa Nabucodonosorman Riblá llajtapi. Sedequiaspa rikunanta wawasnintapis wañucherqanku.

Chay tiempopaj ichá 32 watasniyoj jina kasharqa, wawasninpis pisi watasniyojllarajchá kasharqanku. Wawasninta wañuchejta rikusqantawan, Sedequiasta ñawisninta orqhocerqanku, cadenaswan watay-kuspataj Babiloniaman apakaporqanku, chaypitaj presochasqa kausarqa wañupunankama (2Rey 25: 2-7; Jer 39:2-7; 44:30; 52:6-11; leerillaytaj Jer 24: 8-10; Eze 12:11-16; 21:25-27).

(Jeremías 39:15-18) Este versículo está unido al siguiente.¹⁶ Jeremías carcelpa patiollampiraj ka-shajtin, Tata Diosqa payman nerqa: Rispa, kayta niy etiope Ebed-melecman: Israelpa Diosnin Tukuy Atiyniyoj Tata Dios nisunki: Kay llajtaman ñak'ariykunata apachimunayta nisqaytaqa jun-t'asajpuni. Chay imasqa rikunaykita junt'akonqa.

¹⁷ Chaywampis noqa librasqayki, qan mancha-chikunki, chay runaspa makinkuman ama urmanaykipaj, nispa nin Tata Diosqa.¹⁸ Cheqamanta noqa waqaychasqayki ama wañuchisqa kanaykipaj. Qanqa kawsallankipuni, noqapi atienekus-qaykirayku. Noqa Tata Diosmin chayta nini.

w12-S 1/5 pág. 31 párr. 5

Jehová kamachisninta t'inkan

Ebed-melee ruwasqanta Jehová, ¿sumajpajchu qhawarqa? Arí. Jehovaqa, Jeremiasnejta willara-qa Judá llajta thuñisqapuni kananta, nerqataj qonanta 5 imasta chaykunawantaj kausayninta waqaychananta. Jehová nerqa: “Noqa librasqayki, [...] chay runaspa makinkuman ama urmanaykipaj [...]. Waqaychasqayki ama wañuchisqa kanaykipaj. Qanqa kawsallankipuni”. ¿Imaraykú Jehová Ebed-melecta waqaycharqa? Jehovapi atienekusqanrayku (Jeremías 39:15-18). Chantapis Jehová yacharqa Ebed-melee Jeremias taj yapanananta. Mana profetamanta llakisqa kasqanraykullachu manaqa, Jehovapi creesqanrayku.

(Jeremías 40:1-6) Tata Diosqa Jeremiasman parlallarqataj, chay soldadosta kamachej Nabuzaradán Ramá llajtapi Jeremias taj preso kayninan-manta kacharichisqanmanta qhepaman. Nabuzaradanqa cadenawan watasqata Jeremias taj ripasqa, Jerusalenmanta, jinataj Judamapis runas Babiloniaman presos apasqa kanankupaj wakichisqa kasharqanku, chaykuna ukhupi.² Este versículo está unido al siguiente.³ Soldadosta kamachejqa Jeremias taj sapampi kay jinata nerqa: Señorniyki Tata Dios kay jallp'amán ñak'ariykunata apachimunanta nerqa, kunantaj chayta junt'an. Chay imas qankunaman jamusunkichej Tata Diospa contrampi juchallisqaykichejrayku, mana kasusqaykichejraykutaj.⁴ Chaywampis

kunampacha watasqa kashanki, chay cadenas-manta phaskarasqayki. Sichus noqawan Babiloniaman riyta munanki chayqa, jamuy; noqa qanta yanapasqayki. Mana jamuya munanki chayri, qhepakullay. Maypichá munanki tiyakuya, chayman rillay.⁵ Sichus kutipuya munanki chayqa kutipullay, Sefanpa allchhin Ahicampa churin Gedaliasman, pitachus Babiloniamanta rey ajllarqa Judá llajtaspa kamachejninku kanampaj, chayman. Paywan aylluyki ukhupi tiyakuy; maymanchus allin rijch'asunki, chayman rillay, nispa nerqa chay kamachejqa. Chay qhepatataj payqa Jeremiasman uj regalota qoytawan, mikhunastawan churaykapuspa, kacharpayarqa.⁶ Jinapi Jeremiasqa Gedaliaswan riporqa Mizpa llajtaman, paywantaj chay jallp'api tiyakorqa, qhepakorqan-kuraj, chay runaswan khuska.

it-2-S pág. 472

Nabuzaradan

Nabucodonosor kamachisqanman jina, Nabuzaradan Jeremista kacharicherqa, chantapis k'acha-manta Jeremista munasqanta, ruwananta saqerqa. Astawanpis payta qhawarinanta, mikhunatapis qori-nanta nerqa. Chantá Nabuzaradan, Babiloniamanta reypa sutinpi ajllarqa Gedaliasta qhepakojkunata kamachinanpaj (2Rey 25:22; Jer 39:11-14; 40:1-7; 41:10). Phishqa watas pasasqantawan kay 602 niraj Jesús jamushajtin, wakin judíos ayqerqanku qaylla-pi llajtasman, Nabuzaradan paykunamanta wakinta presosta jina aparqa (Jer 52:30).

Sumaj yachachiykunata mask'ana

(Jeremías 42:1-3) Este versículo está unido al siguiente.² Soldadosta kamachejkuna ukhuman-ta Careaj churin Johanán, Osaiaspa churin Aza-riaspis, jinataj tukuy aylluntimpi juch'uyman-ta jatunkama, profeta Jeremiasman qayllaykus-pa, nerqanku: Uyaririwayku kay mañakusqaykuta, amataj qhesachawaykuchu. Kay pisi puchojkunapaj Diosniykimanta mañapuwayku. Ñawpajta ash-khas karqayku. Kunantajrí uj chhikallaña pu-churpariyku, kay imaynatachus rikunki, ajinalla-ña.³ Señorniyki Tata Diosmanta mañapuwayku rikuchinawaykupaj imaynatachus ninaykuta, imatajchus ruwanaykuta.

(Jeremías 43:2) Chantá Osaiaspa churin Aza-riás, Careaj churin Johananwan, waj wapuyka-chaj runaspiwan Jeremiasman nerqanku: Chay nisqaykeqa llulla. Señorniyku Tata Diosqa mana kachamusunkichu ninawaykupaj: Ama Egipotoman tiyakoj riychejchu.

(Jeremías 43:4) Ajinaqa, ni Careaj churin Johanán, nitaj soldadosmanta kurajkunapis, nillataj Judamanta puchoj runaspis Tata Diospa nisqanta kasorqankuchu, Judapi qhepakunankupaj.

w03-S 1/5 pág. 10 párr. 10

¿Tapukunkichu maypichus Jehová kasqanta?

¹⁰ Jerusalén thuñisqa kasqantawan, babiloniosqa judiosta presosta jina apaqranku. Johanán, wakin judíos qhepakojkunata wakicherqa Egipotoman apasqas kanankupaj. Niraj ripushaspataj payku-na Jeremista nerqanku Jehovamanta mañapu-nanta, yanapayninta mask'ananta ima. Jeremistaj mana kuticherqachu paykuna yuyasqankuman jina, chaywanpis imatachus wakichisqankuta ruwarqanku (Jeremías 41:16-43:7). Kaymanta, ¿imatá yachaku-sunman? Jehovata mask'anapaj, ¿imatá ruwanan-chej tiyan?

(Jeremías 43:6, 7) Tantallarqankutaj qharista, warmista, wawasta, reypa ususisnintawan, pikunatachus Babiloniamanta soldadosta kuraj ka-machej Nabuzaradán Gedaliasman qhawanam-paj saquesqa, chaykunata. Tantallarqankutaj Jere-mista, Neriaspa churin Baructawan.⁷ Tata Dios-pa kamachisqanta mana kasuspa, tukuyninku Egipto nacionman riporqanku, Tafnes llajtakama-taj chayarqanku.

it-1-S pág. 600 párr. 3

Cronología

Sedequías 9 watastaña kamachishajtin, Jerusalen-qa muyuykusqa karqa 609 watas Jesús niraj jamu-shajtin (J.n.j.), urmarqataj 11 wata kamachiyninpi 607 watas Jesús niraj jamushajtin. Chay tiempo-paj Nabucodonosor 19 watastaña kamachisharqa, chaytataj yupasunman Nabucodonosor kamachiyya qallarisqanmanta 625 watas Jesús niraj jamushaj-tin (2Rey 25:1-8). 607 phishqa kaj killanpi (killa Ab mayqenchus kaj julio y agosto killaspi), llajtaqa ru-phaykuchisqa, perqasnin thuñisqa, may ashkha ru-nasnintaj presochasqa karqanku. Chaywanpis, "wakin sinch'i wajcha kajkunallata" qhepakunankuta sa-qerkanku, tiempo pasasqanman jinataj Egipotoman ayqerqanku kamachej Gedalías wañuchisqa kasqan-tawan. Ajinamanta, Judá llajtaqa ch'inman tukorqa (2Rey 25:9-12, 22-26). Kaytaj karqa Etanim 7 killapi (chayrí Tisri mayqenchus kaj septiembre y octubre killaspi). Chayrayku Jerusalén 70 watas ch'in kas-qanqa kay 1 de octubre 607 watapi qallarerqa, tuku-korqataj 537 watapi Jesús niraj jamushajtin. Kay 537 watas Jesús niraj jamushajtin 7 killapi judíos llaj-tankuman chayamuya qallarerqanku, chaytaj karqa 70 watas qhepaman Judá ch'in kasqanmanta (2Cró 36:21-23; Esd 3:1).

Bibliata leenapaj

(Jeremías 40:11-41:3) Ajinallatataj tukuy judíos Moabpi, Amonpi, Edompi, chay waj nacionespipis kasharqanku, chaykuna yacharqanku Babilonia-manta reyqa judiosmanta wakin runasta jallp'an-kupi saquesqanta, Gedaliastataj kamachejninku kanampaj churasqanta.¹² Chaypacha Judaman kutiporqanku, maymanchus ch'eqerachisqa kar-qanku, chay tukuynejmanta, Mizpapi Gedalias-mantaj rerqanku. Chaypi paykunaqa tantakus-pa, ashkha vinota ruwarqanku, jinataj may chhi-ka poqoykunata oqharerqanku.¹³ Jinapi Careaj churin Johanawan, pikunachus campopi qhepa-korqanku soldadosta kamachejkunapiwan Mizpa-pi Gedaliaswan parlaj rerqanku.¹⁴ Paytataj ner-qanku: Manachu yachanki Amonmanta rey Baa-lisqa Netaniaspa churin Ismaelta qanta wañuchi-nasumpaj kachamusqanta? nispa. Gedaliastajrí mana kasuta ruwarqachu.¹⁵ Chaypacha Joha-nanqa Gedaliasman pakayllapi nerqa: Noqa ris-pa, Ismaelta wañurparichimusaj, manataj pipis yachanqachu pichus chayta ruwasqanta. Imaray-kutaj saqeykuman pay qanta wañuchinasun-tari? Wañuchisunkumanchus chayqa, Judapi tukuy judíos muyuyniyki tantasqa kajkuna ch'eqera-chisqa kankuman, Judamanta chay puchoj ru-naspis chinkankuman, nispa.¹⁶ Gedaliastajrí Jo-hananman kuticherqa: Ama chaytaqa ruwaychu; Ismaelmanta chay nisqaykeqa manamin jinachu, nispa.

41 Este versículo está unido al siguiente.² Reypa ayllun ukhumanta Ismaelqa, Netaniaspa churin Eliasamaj allchhin qanchis kaj killapi Mizpaman rerqa Gedaliaswan parlaj. Chunka runastawan pusarikuspa rerqa. Chay Mizpapitaj mikhushaj-tinku, Ismael, jinataj paywan kasharqanku, chay chunka runaspiwan jatarikuspa, espadawan Gedaliasta wañucherqanku, pitachus Babiloniamanta rey churasqa Judata kamachinampaj, chayta.

3 Ismael wañuchillarqataj, Gedaliaswan kashar-qanku, chay tukuy judiosta, jinataj Mizpapi ka-sharqanku, chay caldeo soldadostawan.

22-28 DE MAYO

BIBLIAMANTA SUMAJ YACHACHIYKUNA | JEREMÍAS 44-48

“Amaña mentasqa kayta mask’aychu”

(Jeremías 45:1-3) Este versículo está unido al siguiente.³ Josiaspa churin, Judamanta rey Joacim tawa watastaña kamachishajtin, Nerias-

pa churin Baruc profeta Jeremiaspa parlasqanta qhelqashajtin, Jeremiasqa Baructa nerqa: Israel-pa Diosnin Tata Dios qanman kayta nisunki: Qan ninki: Ay noqamanta; Tata Diosqa nanayniyman llakiyya yapaykuwan. Waqaspa sayk’uniña, nitaj samarikuya tarinichu, nispa.

jr págs. 104, 105 párrs. 4-6

‘Amaña mentasqa kayta mask’aychu’

4 Barucqa, ichapis may riqsisqa chayri jatunpaq qhawasqa kayta munarqa. Jeremiaspa qillqirin kas-papis, ichá mana profetap qillqirillanchu karqa. Jeremías 36:32 nisqanqa, Baruc reypa kamachi-na wasinpi qillqirijina llamk’asqanta rikuchillantaq. Arqueólogos nisqa tarisqankupis, chayta rikuchin. Elisamatapis ‘qillqiri’ nispa nikullantaq, paytaq Ju-dapi kuraqkunamanta karqa. Chaytaq rikuchiwan-chik, Barucpis Elisamajina “reypa kamachinan wasi-pi” “qhelqerijpa cuartonman” yaykuq kasqanta (Jer. 36:11, 12, 14). Arí, Barucqa reypa kamachina wa-sinpi juk sumaq cargoyuqchá karqa. Wawqin Sera-yaga, rey Sedequiaspa “mayordomon karqa”, pay-tawa watataña kamachichkaptintaq, paywan Babi-loniaman rirqa (*Jeremías 51:59 ñawiriy*). Seraya-qa, rey viajaptin, mikhunasta, maypichus puñunanta ima wakichipuq. Chayqa, juk sumaq cargo karqa.

5 Barucqa, riqsisqa familiamanta karqa. Chayrayku-chá, Judá llaqtap contranpi willaykunata kutin kuti-ta qillqaspa sayk’urqa. Chantapis profeta Jeremias-ta yanapasqanrayku, ichapis cargonta qhichuchi-kunman karqa. Jeremías 45:4 p’iti nisqanmanjina, Jehová imatachus sayachisqanta urmachiptin, ima-chus kananpi t’ukurina. Chay p’unchay chayamuptin-qa, Baruc “mentasqa” kayta mask’asqanqa, nisun-man kamachina wasipi jatunpaq qhawasqa chayri kapuyniyuq kayta munasqanqa, ni imapi yanapan-manchu karqa. Arí, Judá llaqta chinkachisqa ka-nan karqa, chayrayku Baruc chaypi sumaq cargoyuq kayta mask’achkarqa chayqa, qhasilla kanman kar-qa. Chayraykuchá Jehová, yuyayninta tikrananpaq yuyaycharqa.

6 Barucqa, ichapis kapuyniyuq kayta munaspa, “mentasqa” kayta mask’achkallarqataq. Judá llaqta-puyuyninpi suyusqa, Moab, Amón suyusjina, ‘kall-pankupi, qhapaq kayninkupiwan’ atienekuq kanku. Jehovaqa, Babilonia “may chhika qhapaj kapuyniyoj” kasqanta Jeremiasniqta nirqa (Jer. 48:1, 7; 49:1, 4; 51:1, 13). Chaywanpis Payqa, chay suyusta jucha-charqa.

(Jeremías 45:4, 5a) Tata Diostajrí kayta nisunki: Sayachisqayta noqa urmachini, plantasqayta-taj t’irani. Ajinallatataj ruwasaj tukuy kay jallp’api

kajkunawan.⁵ Qanqa mentasqa kaytachu mask'a-shanki? Chaytaqa ama mask'aychu.

jr pág. 103 párr. 2

'Amaña mentasqa kayta mask'aychu'

² Baruc nirqa: "Ay noqamanta; Tata Diosqa nanayniyman llakiya yapaykuwan. Waqaspa sayk'uniña, nijat samarikuya tarinichu", nispa. Ñuqanchikpis wakin kuti, sunqunchikpi chayri wakkuna uyarinankuta, sayk'usqas kasqanchikta ninchik. Baruc sayk'usqa kasqanta runa uyarinantachus chayri manachus nirqapis, Jehovaqa payta uyarichkarqa. Sunqusta qhawaq Diosqa, imaraykuchus Baruc llakisqa kachkasqanta yacharqa, chayraykutaq yuyayninta chiqanchananpaq, Jeremiasniqta munakuywan yanaparpa (*Jeremías 45:1-5 ñawiriy*). ¿Imataq Baructa sayk'uchichkarqa? ¿Imapaqchus kamachisqa kasqanchu, chayri chay llamk'anya-ninta llakiy tiempopi junt'anana kasqanchu? Mana, sunqupi wak imaspi yuyasqan sayk'uchichkarqa. Barucqa "mentasqa" kayta nisunman jatuchaq imasta mas-kachkarqa. ¿Imaynasmantá? ¿Imatá Jehová qunanta nirqa yuyaychasqanta jap'ikuptin? ¿Imatataq kawsay-nimanta yachakunchik?

(Jeremías 45:5b) Imaraykuchus noqa tukuy runaspa patankuman ñak'ariykunata apachimusaj. Chaywampis mayman rejtiykipis, waqaychasqay-ki ama wañuchisqa kanaykipaj nispa nin Tata Diosqa.

w16.07 pág. 8 párr. 6

Diospa gobiernonta ñaupajta mask'ana

⁶ Profeta Jeremiaspa qhelqerin Barucpi t'ukurina. Barucqa 'mentasqa' kayta chayri jatuchaj imasta mask'ashajtin, Jehová yuyaricherqa pisimantawan Jerusalén thuñisqa kananta. Chaywanpis Baructa salvananta nerqa (Jer. 45:1-5). Barucqa mana suyananchu karqa runaj kapuyninta salvananta, imaraykuchus Jehovaqa mana runaj kapuynintachu salvan (Jer. 20:5). ¿Imatá yachakunchej imapichus Baruc rikukusqanmanta? Kunanpis tumpamantawan Satanaspas pachanqa chinkachisqa kanqa. Chayrayku mana allinchu kay tiempopi tukuy imayoj kayta mask'ananchej. Mana yuyananchejchu tiyan manchay ñak'ariy tiempo pasasqantawan imaschus kay tiempopi tiyapuwanchej chay imas kapunallawan-chejtapuni, may valorniyoy kajtinpis (Pro. 11:4; Mat. 24:21, 22; Luc. 12:15).

Sumaj yachachiykunata mask'ana

(Jeremías 48:13) Chaypacha Moabqa Quemós diosninmanta p'enqakonqa, imaynatachus Israel-pis Betelmanta p'enqakorqa, ajinata, mayqempi-chus tukuy sonqowan atienekorqa, chaymanta.

it-2-S pág. 172

Quemós

Profeta Jeremiasqa, Moab llajta ñak'arinanta nejtin, willarqa diosninku Quemós, sacerdotes, kurajkuna ima waj llajtamana apasqas kanankuta. Moabititasqa Quemós diosninkumanta p'enqakunanku karqa, imaynatachus Israelpis Betelmanta p'enqakorqa, ichapis uj lanti uña wakaman rijch'akoja yupaychas-qankumanta (Jer. 48:7, 13, 46).

(Jeremías 48:42) Moabqa chinkachisqa kanqa manaña nación kanampaj, imaraykuchus Tata Diospa contrampi oqharikorqa.

it-2-S pág. 411 párr. 5

Moab

Moabmanta ima profeciaschus parlakusqan cheqamanta junt'akorqa. Unay watasña Moabitasa llajta jina chinkasqa kanku (Jer 48:42). Kay tiempopitaj, llajtasninmanta raqaykunasllaña tiyan, nisunman: Nebo, Hesbón, Aroer, Bet-gamul, Baal-meón chantá mana rejsisqa llajtas ima.

Bibliataleenapaj

(Jeremías 47:1-7) Kaymin chay willayqa, mayqentachus Tata Diosqa Jeremiasman parlarqa, chay filisteosta imaschus qhatirinanmanta. Kayqa willakorqa Faraón manaraj Gaza llajtata japi-shajtin: ² Este versículo está unido al siguiente. ³ Tata Diosqa kay jinata nin: Wicheynejmanta yaku junt'aykamonqa, imaynatachus mayuman-ta wasaykuspa tukuynin jallp'ata, tukuynin chaypi kaj llajtasta, chaypi kaj chhikatawan p'ampaykun, ajinata. Tukuy chay jallp'api tiyakojkunaqa qharenqanku. Runaspis nanaywan waqanqanku, caballospa corresqanta uyarispa, carretaspa sonas-qanta, jinataj ruedaspa purisqantapis. Tatasqa wawasninkuta mana qhawanqankuchu, kallpan-ku pisiyasqanrayku. ⁴ Filisteosta chinkarparichina p'unchay chayamunña, Tiromanta, jinataj Sidon-manta yanapajninkuta qhechunapaj, chay p'un-chaypis. Ari, Tata Diosqa filisteosta tukuchen-qa, Creta churupi llajtamanta yaykumojkunata.

⁵ Gaza llajtamanta runasqa chujchasninkuta ruthukonqanku. Ascalón llajtaqa ch'impacha qhe-pakonqa. Qankuna jatunkaray ñawpa runasanta puchojkuna, mayk'ajkamataj cuerposniykiejta q'allurakunkichejta llakiynykichejta rikuchispari?

⁶ Ay, Tata Diospa espadan, mayk'ajllañataj sama-rikunkiri? Jallch'anaykiman yaykupuy; amaña kuyukuspa, kakullay. ⁷ Chantá imaynatataj mana kuyukuspa qhepakunman, Tata Diospuni Asca-

lonpa contranta, jatun qocha kantupi kajkunaj contrankutapis kachashajtin?

29 DE MAYO–4 DE JUNIO

BIBLIAMANTA SUMAJ YACHACHIYKUNA | JEREMÍAS 49, 50

“Jehová llamp’u sonqo runasta bendecin, runaykachajkunata castigan”

(Jeremías 50:4-7) Tata Diosqa nin: Jaqay p’unchaykunapi israelitas, jinataj Judamanta kajkuna ima waqaspa, Señorninku Tata Diosta mas’kanqanku.⁵ Sión Orqoman rina ñanta tapukonqanku, chaynintataj renqanku Tata Diosman uj-chakunkupaj chay wiñay mana jayk’aj qonqana tratopi.⁶ Aylloyqa chinkasqa ovejas jina kanku; michejkunankoqa mana allintachu paykunata micherqanku, manachayqa orqosnejpi paykunata chinkaracherqanku. Orqomanta orqo purerqanku; puñuna corralkinkuta qonqaporqanku.⁷ Pikunachus tarejkunaqa paykunata oqoykorqanku, enemigosninkutaj nerqanku: Mana juchayochu kayku, imaraykuchus paykunaqa Tata Diospa contrampi juchallikorqanku, pipichus cheqamanata samarikunanku karqa, chaypa contrampi, ñawpa tatasninkoj suyakuyninkojpa contrampi, nispa.

(Jeremías 50:29-32) Tantamuychej arcoswan tukuy flechajkunata, Babiloniaj contranta maqanakoj rinankupaj. Llajtaj tukuy muyuynimpi jaraychej, ama pipis ayqenampaj. Imatachus ruwasqasninman jina qopuychej. Imaynatachus waj nacioneswan ruwarqa, ajinallatataj paywan ruwaychej, imaraykuchus payqa Israelpa Santo Kaj Diosnin Tata Diospa contrampi sayaykorqa.³⁰ Chayraykumin wayna runasninkoqa callespi wañusqas urmaranqanku. Wañuchinaku maqanakupi tukuy soldadosninkupis chay p’unchaypi wañuchisqa kanqanku, nispa nin Tata Diosqa.³¹ Tukuy Atiyniyoj Tata Diosqa nillantaj: Runaykachaj nación, qampa contraykipi noqa kashani, imaraykuchus castiganasuy chay p’unchayqa chayamunña.³² Runaykachaj nación, qanqa misk’aspa urmanki, manataj pipis sayarichisoj kanqachu. Tukuy llajtasniykiman ninataj jap’iykuchisaj, chay ninataj tukuy muyuynintinta ruphaykonqa.

it-1-S pág. 62

Enemigo

Israel wasanchaj kasqanrayku, Diosqa saqellarqa enemigosnin nak’arichinankuta (Sal 89:42; Lam 1: 5, 7, 10, 17; 2:17; 4:12). Chaywanpis enemigosnin, israelitasta atipasqankoqa atiyninkurayku kasqanta

yuyarcanku, ajinamanta diosesinkuta yupaycharqanku. Yuyallarqankutaj Israel llajtata ñak’arichisqankumanta ni pimanpis, ni imata ninanku kasqanta (Deu 32:27; Jer 50:7). Jehová chay jatunchakoj runasta k’umuykachacherqa (Isa 1:24; 26:11; 59:18; Nah 1:2). Ruwarqataj santo sutinnejta (Isa 64:2; Eze 36:21-24).

(Jeremías 50:38, 39) Yakuyojo mayusninku ch’akiponqa, imaraykuchus Babiloniaqa millay lantisniyoj jallp’amin, chayraykutaj yuyayninta chin-kachin.³⁹ Chayraykumin Babiloniapeqa k’ita phiña animales, chantá k’ita alqos kawsanqanku. Chay cheqallapitaj surispis kawsanqanku, chaypitaj manaña pipis ni jayk’aj tiyakonqachu.

jr pág. 161 párr. 15

Jehová “Diosqa chayta ruwan nisqanman jina”

¹⁵ Jeremiasqa, pachak watas ñawpaqta, Egiptota atipaq suyu nisunman Babilonia, jukllata urmananta nillarqataq. ¿Imaynatá urmanan karqa? Llaqtata jark’aq mayup yakusnin ‘ch’akipunan’ karqa, wapu soldadosninpis manaña maqanakunankuchu karqa (Jer. 50:38; 51:30). Chay profecías nisqanmanjintaq, medoswan persaswan, Éufrates mayup yakusninta wak ladoman larq’arparispa, babilonios mana suyachkaptillanku, llaqtaman yaykurqanku. Chantapis, chay suyuqa manaña pipis tiyakunanpaqjina ch’ín pampaman tukunan karqa (Jer. 50:39; 51:26). Imaynachus kunan chay llaqta kasqanqa, chay profeciap nisqan chiqapuni kasqanta rikuchiwanchik.

w98-S 1/4 pág. 20 párr. 20

Diosmanta jamoj libro

²⁰ Isaías mana rikorqachu Babilonia ch’ín llajtaman tukusqanta. Chaywanpis profecía nisqanman jina, Babilonia “raqaykunalla[pi]” tukorqa (Jeremías 51: 37). Hebreota yachaj runa Jerónimo, pichus nacekorqa 301-400 wataspaj nerqa: “Babilonia uj monte karqa, maypichus k’ita animales purej kanku jap’inapaj jina”, nispa. Kunankamataj ch’inllapuni kashan. Ashkha runas waj llajtasmanta allinchasqa Babiloniata qhawarej jamojtinkupis, “puchojkuna[...], wasninku[...], allchhisninku[...] ima” wiñaypaj chin-kachisqa kanku, Isaías nisqanman jina (Isaías 14: 22).

Sumaj yachachiykunata mask’ana

(Jeremías 49:1, 2) Tata Diosmanta uj willay jamun, Amón imaynachus kananmanta: Manachu Israelqa wawasniyoj? Manachu pipis herencianta jap’ej tiyanri? Imaraykutaj Milcom nisqa lanti kunan Gadmanta dueño kashanri? Imaraykutaj amonitasqa Gadpa llajtasnimpi tiyakushankuri?

² Kunanqa Tata Dios kayta nin: Uj p'unchay chaymonqa, chay p'unchaypitaj Amonmanta Rabá llajtapi uyarichisaj wañuchinaku maqanaku qhappariyta, chaytaj uj qollu raqayllamanña tukuchisqa kanqa. Chay k'iski ranchosnimpis ninanwan ruphaykuchisqa kanqanku. Chaypacha Israelqa chay llajtasninta watejmanta jap'ikapullanqataj, nispa nin Tata Diosqa.

it-1-S pág. 117 párr. 2

Amonitas

Ichá Rey Tiglat-pileser, paypa cuentanmanta kama-chej ima, Israelpa chunka ayllusnimanta presosta jina aparqanku. Amonitastaj tiyakuya qallarerqanku Gad ayllun jallp'anpi, chaypajtaj ñaupaj wataspíña Jefewan maqanakorqanku, chaywanpis mana atiparqankuchu (2Rey 15:29; 17:6) (Sal 83:4-8 leeri-llaytaj). Amonitasta Gad ayllun jallp'anta jap'ikapus-qankumanta Jehová Jeremiasnejta k'aminanpaj kachamorqa. Nerqataj Amón llajta ch'inman tukunanta, Milcom diosnintaj waj llajtaman apasqa kananta (Jer 49:1-5). Amonitasqa mana kasukuspa sajra runasta kacharqanku Judá llajtata ñak'arichinankupaj, Joacimpa kamachiynin tukukuyinipi (2Rey 24: 2, 3).

(Jeremías 49:17, 18) Tata Diosqa nillantaj: Edom nacionqa ch'impachaman tukonqa. Tukuy chaynejta pasaj chhika t'ukonqanku, chay jinapi rikuspataj asikonqanku.¹⁸ Imaynatachus Sodomanwan, Gomorrawan, muyuynimpi waj llajtaswan ima chinkachisqa karqanku, ajinallataj chay naciompis kanqa. Manataj pipis chaypi watejmanta tiyakonqañachu, ni uj ratollapajpis, nispa nin Tata Diosqa.

jr pág. 163 párr. 18

Jehová “Diosqa chayta ruwan nisqanman jina”

¹⁸ Jeremiasqa, Jehová, Edomta Babiloniaman jaywaykunanta nillarqataq. Chaytaq Jesuspa tiempopi junt'akurqa (Jer. 25:15-17, 21; 27:1-7). Chantapis Jehovaqa, Edom llaqta, Sodoma, Gomorra llaqtasjina wiñaypaq chinkachisqa kananta, ch'in pampaman tukunanta ima nillarqataq (Jer. 49:7-10, 17, 18). Jinataq karqa. ¿Maypitaq kunan Edom sutita tarinchik? Kay tiempomanta mayqin mapallapipis, ¿rikhurinchik? Mana. Edom, edomitas rimaykunataqa, ñawpa runaspa kawsayninkumanta parlaq librosllapi, chay tiempomanta mapasllapi chayri Bibliallapi tarinchik. Flavio Josefo nisqanmanjina, judiosqa, iskay pachak watapi (J.n.j.) edomitasta mana munachkaqta religioninkuman yaykuchirqanku. Jerusalén 70 watapi thuñikuchkaptintaq, llaqtajina chinkapurqanku.

ip-2-S pág. 351 párr. 6

Jehová k'acha sutita ruwakun

⁶ Kunantaj, ¿imaraykú Edom llajtawan Jehová maqanusharqa? Jehová trato ruwasqan llajtanwan Edomitasqa enemigos kanku. Paykunaqa ruwasharqanku ñaupa tiempopi tatan Esaú ruwasqanta (Génesis 25:24-34; Números 20:14-21). Chejnisqankutaj sut'i rikukorqa, paykunaqa mayta kallpacharqanku Babiloniosta Jerusalenta thuñinankupaj (Salmo 137:7). Chay chejnikuyninta rikuchispataj, Jehovatapis chejnikusqankuman jina karqa. Chayrayku Jehová espadanta wakicherqa Edom suyuman urmamunapaj (Isaías 34:5-15; Jeremías 49:7-22).

Bibliataleenapaj

(Jeremías 50:1-10) Caldeospa jallp'anku Babiloniamanta Tata Diosqa profeta Jeremiasnejta kay jinata willarqa:² Tukuy naciones ukhupi kayta wi'llaramuychej paykunapis yachanankupaj. Uj wi-phaylata oqhariychej señalta jina; ama uj chhikanta pakarispa, kay jinata niychej: Babiloniata atipaspa, jap'ikaponqanku. Bel nisqa diosninkoqa p'enqaypi rikhurichisqa kanqa. Marduc nisqa diosninku manchariywan junt'a kanqa. Chay lan-tisninku p'enqaypi rikhurichisqa kanqanku, manakaj dioskunankutaj mancharikuywan junt'a kanqanku.³ Pata ladomanta uj nación Babiloniaj contranta jamushan, chay jallp'ankuta ch'in pam-paman tukuchinampaj. Manaña ni runas, nitaj uywaspis chaypi kawsanqankuñachu. Chay jallp'amanta tukuy ayquespa, riponqanku.⁴ Tata Diosqa nin: Jaqay p'unchaykunapi israelitas, jinataj Judamanta kajkuna ima waqaspa, Señor-ninku Tata Diosta mask'anqanku.⁵ Sión Orqoman rina ñanta tapukonqanku, chaynintataj ren-qanku Tata Diosman ujchakunankupaj chay wiñay mana jayk'aj qonqana tratopi.⁶ Aylloyqa chin-kasqa ovejas jina kanku; michejkunankoqa mana allintachu paykunata micherqanku, manachaya-qa orqosnejpi paykunata chinkaracherqanku. Orqomanta orqo purerqanku; puñuna corrallninkuta qonqaporqanku.⁷ Pikunachus tarejkunaqa paykunata oqoykorqanku, enemigosninkutaj ner-qanku: Mana juchayojchu kayku, imaraykuchus paykunaqa Tata Diospa contrampi juchallikorqanku, pipichus cheqamanta samarikunanku karqa, chaypa contrampi, ñawpa tatasninkoj suyakuyninkojpa contrampi, nispa.⁸ Babiloniamanta llojsiychej, caldeospa jallp'ankumanta ayqeychej; chivatos jina tropaj ñawpaqenta riychej.⁹ Noqa wichaynejmanta ashkha atiynijoj nacio-

nesta tantaykuspa, Babiloniaj contranta maqanakoj paykunata pusamusaj. Paykunataj sumajta wakichikonqanku maqanakunankupaj. Chay wi-chay ladomanta Babiloniata atipaspa, jap'ikapon-qanku. Paykunaqa sumajta maqanakuyta yachaj-kuna kanku; flechasninkuta arcowan kacharinku mana ujta pantarispa.¹⁰ Caldeospa tukuy kapuy-ninkuta apakaponqanku manaña atinankukama. Noqa Tata Diosmin chayta nini.